

Գրանցված է  
Արցախի Հանրապետության  
արդարադատության նախարարության կողմից  
2019 թվականի \_\_\_\_\_ -ին  
Պետական գրանցման համարը \_\_\_\_\_  
Արցախի Հանրապետության  
արդարադատության նախարար

\_\_\_\_\_ Ա.ԴԱՆԻԵԼՅԱՆ



## ԱՐՑԱԽԻ ՀԱՆՐԱՊԵՏՈՒԹՅԱՆ

ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎ

### ՈՐՈՇՈՒՄ

18 փետրվարի 2019թ.

N 3-Ն

ք.Ստեփանակերտ

**ՍՏՈՐԱԳՐՈՒԹՅՈՒՆՆԵՐԻ ՀԱՎԱՔՄԱՆ ԿԱՐԳԸ, ՍՏՈՐԱԳՐՈՒԹՅՈՒՆՆԵՐԻ  
ՁԵՎԱԹԵՐԹԻԿԻ ԵՎ ՏԵՂՈՒՄ ՍՏՈՐԱԳՐՈՒԹՅՈՒՆՆԵՐԻ ՀԱՎԱՔՄԱՆԸ ՄԻԱՆԱԼՈՒ  
ՎԵՐԱԲԵՐՅԱԼ ԼՈՏԱՐԱԿԱՆ ԿԱՐԳՈՎ ՏՐՎԱԾ ՀԱՅՏԱՐԱՐՈՒԹՅԱՆ ՁԵՎԵՐԸ  
ՄԱՀՄԱՆԵԼՈՒ ՄԱՍԻՆ**

Արցախի Հանրապետության սահմանադրության 122-րդ և 162-րդ հոդվածների կիրարկումն ապահովելու նպատակով, «Իրավական ակտերի մասին» Լեռնային Ղարաբաղի Հանրապետության օրենքի 15-րդ հոդվածին համապատասխան՝ Արցախի Հանրապետության կենտրոնական ընտրական հանձնաժողովը **որոշում է.**

Սահմանել

1. ստորագրությունների հավաքման կարգը՝ համաձայն N 1 հավելվածի.
2. ստորագրությունների հավաքման ձևաթերթիկի ձևը՝ համաձայն N 2 հավելվածի.
3. տեղում ստորագրությունների հավաքմանը միանալու վերաբերյալ նոտարական կարգով տրված հայտարարության ձևը՝ համաձայն N 3 հավելվածի:

ԱՐՑԱԽԻ ՀԱՆՐԱՊԵՏՈՒԹՅԱՆ  
ԿԵՆՏՐՈՆԱԿԱՆ ԸՆՏՐԱԿԱՆ  
ՀԱՆՁՆԱԺՈՂՈՎԻ ՆԱԽԱԳԱՀ

Ս.ԱՐԶՈՒՄԱՆՅԱՆ

**ԿԱՐԳ**  
**ՍՏՈՐԱԳՐՈՒԹՅՈՒՆՆԵՐԻ ՀԱՎԱՔՄԱՆ**

1. Սույնով սահմանվում են տեղում ստորագրությունների հավաքման կարգը, դրա համար անհրաժեշտ ձևաթերթիկին ներկայացվող պահանջները, ձևաթերթիկում լրացվող անհրաժեշտ տվյալների ցանկը և ձևաթերթիկի լրացման կարգը:

2. Գրանցումից հետո նախաձեռնող խումբն իրավունք է ստանում ձեռնարկելու օրենքի նախագծի ընդունման նախաձեռնությանը քաղաքացիների միացումը՝ ստորագրություններ հավաքելու միջոցով:

3. Ստորագրությունների հավաքումն իրականացվում է ստորագրությունների հավաքման ձևաթերթիկի (հավելված N2) միջոցով՝ տեղում ստորագրելու եղանակով: Ստորագրությունների հավաքման ձևաթերթիկի նմուշը ներբեռնման հնարավորությամբ տեղադրվում է Արցախի Հանրապետության կենտրոնական ընտրական հանձնաժողովի (այսուհետ՝ Կենտրոնական ընտրական հանձնաժողով) համացանցային կայքում, նախաձեռնող խմբի անդամներին չի տրամադրվում. այն ներբեռնում և տպագրում է նախաձեռնող խումբը:

4. Ստորագրությունների հավաքմանը (նախաձեռնել, կազմակերպել, օժանդակել) կարող են ներգրավվել 16 տարին լրացած քաղաքացիները:

5. Ստորագրել կարող են միայն ստորագրելու պահին հանրաքվեին մասնակցելու իրավունք ունեցող քաղաքացիները:

6. Տեղում ստորագրությունների հավաքում կազմակերպվում է Արցախի Հանրապետության տարածքում գործող՝

- 1) համայնքապետարաններում.
- 2) շրջվարչակազմերում (Ստեփանակերտի քաղաքապետարանում):

7. Տեղում ստորագրությունների հավաքման վայրը տրամադրում են սույն կարգի 6-րդ կետում նշված մարմինների ղեկավարները նախաձեռնող խմբի գրավոր դիմելուց հետո՝ երեք օրվա ընթացքում:

8. Տեղում ստորագրությունների հավաքմանը ստորագրողը կարող է մասնակցել՝ ներկայացնելով անձը հաստատող փաստաթուղթ: Սույն կետում նշված դեպքում անձը հաստատող փաստաթուղթ են համարվում նույնականացման քարտը, անձնագիրը, անձնագրին կամ նույնականացման քարտին փոխարինող ժամանակավոր փաստաթուղթը՝ տրված լիազոր մարմնի կողմից:

9. Տեղում ստորագրելու դեպքում ստորագրությունների հավաքումն իրականացնող անձը՝ ստորագրությունների հավաքման վայրում նշանակված համապատասխան հանրային ծառայողի մասնակցությամբ, ստուգում է ստորագրողի ինքնությունը՝ ներկայացված փաստաթղթում առկա լուսանկարի միջոցով, այնուհետև ձևաթերթիկում լրացնում է ստորագրողի ազգանունը, անունը, հայրանունը, ծննդյան օրը, ամիսը և տարին, ստորագրողի անձը հաստատող փաստաթղթի տվյալները (անձնագրի դեպքում՝ սերիան և համարը, նույնականացման քարտի դեպքում՝ նույնականացման քարտի համարը) և հնարավորություն է ընձեռում ստորագրողին ձևաթերթիկում ստորագրելու իր տվյալների դիմաց

համապատասխան սյունակում: Ձևաթերթիկում լրացվում է նաև ստորագրման օրը, ամիսը, տարին:

10. Տեղում ստորագրելու դեպքում յուրաքանչյուր ձևաթերթիկն ամբողջական լրացվելուց հետո ստորագրվում է նախաձեռնող խմբի՝ ստորագրությունների հավաքումն իրականացնող ներկայացուցչի և ստորագրությունների հավաքման վայրում նշանակված համապատասխան հանրային ծառայողի կողմից:

11. Տեղում ստորագրությունների հավաքմանը կարելի է միանալ այդ մասին նոտարական կարգով տրված հայտարարությամբ (հավելված N 3), որի ձևաթուղթը ներբեռնվում է Կենտրոնական ընտրական հանձնաժողովի համացանցային կայքից:

**ԱՐՅԱԽԻ ՀԱՆՐԱՊԵՏՈՒԹՅԱՆ ԿԵՆՏՐՈՆԱԿԱՆ  
ԸՆՏՐԱԿԱՆ ՀԱՆՁՆԱԺՈՂՈՎԻ ՔԱՐՏՈՒՂԱՐ**

**Ս.ՄԵԼՔՈՒՄՅԱՆ**

**ՁեՎ**

**ՏԵՂՈՒՄ ԱՏՈՐԱԳՐՈՒԹՅՈՒՆՆԵՐԻ ՀԱՎԱՔՈՒՄԸ ԿԱԶՄԱԿԵՐՊԵԼՈՒ ՁԵՎԱԹԵՐԹԻԿ**

(\_\_\_\_\_ նախագծի (հարցի) քաղաքացիական նախաձեռնության  
նշվում է նախագծի (հարցի) անվանումը

կարգով առաջարկելուն միանալու վերաբերյալ)

Հ/Հ	Ազգանուն, անուն, հայրանուն	Ծննդյան օր, ամիս, տարի	Անձը հաստատող փաստաթղթի տվյալներ	Անձի ստորագրություն	Մտորագրման օր, ամիս, տարի

Նախաձեռնող խմբի ստորագրությունների  
հավաքումն իրականացնող ներկայացուցիչ

\_\_\_\_\_ (ազգանուն, անուն)

\_\_\_\_\_ (ստորագրություն)

Տեղում ստորագրությունների հավաքման վայրի  
համապատասխան հանրային ծառայող

\_\_\_\_\_ (ազգանուն, անուն)

\_\_\_\_\_ (ստորագրություն)

**ԱՐՑԱԽԻ ՀԱՆՐԱՊԵՏՈՒԹՅԱՆ ԿԵՆՏՐՈՆԱԿԱՆ  
ԸՆՏՐԱԿԱՆ ՀԱՆՁՆԱԺՈՂՈՎԻ ՔԱՐՏՈՒՂԱՐ**

**Ս.ՄԵԼՔՈՒՄՅԱՆ**

**ՀԱՅՏԱՐԱՐՈՒԹՅՈՒՆ**  
**ՏԵՂՈՒՄ ՍՏՈՐԱԳՐՈՒԹՅՈՒՆՆԵՐԻ ՀԱՎԱՔՄԱՆԸ**  
**ՄԻԱՆԱԼՈՒ ՎԵՐԱԲԵՐՅԱԼ**

Ես, \_\_\_\_\_, ծնված \_\_\_\_\_,  
(նշվում է ստորագրողի անունը, հայրանունը, ազգանունը) (նշվում է ստորագրողի ծննդյան օրը, ամիսը, տարեթիվը)

Անձը հաստատող փաստաթղթի տվյալներ՝

\_\_\_\_\_ ,  
(նշվում է ստորագրողի անձը հաստատող փաստաթղթի տվյալները (անձնագրի դեպքում՝ սերիան և համարը, նույնականացման քարտի դեպքում՝ համարը))

նոտարական կարգով տրված սույն հայտարարությանը միանում եմ \_\_\_\_\_

\_\_\_\_\_   
(նշվում է նախագծի (հարցի) անվանումը)

նախագծի (հարցի) քաղաքացիական նախաձեռնության կարգով առաջարկելու նպատակով կազմավորված նախաձեռնող խմբի կողմից իրականացվող ստորագրությունների հավաքմանը:

Հայտարարությունը տվեց՝ \_\_\_\_\_  
(անունը, հայրանունը, ազգանունը) (ստորագրությունը)

\_\_\_\_\_   
(նշվում է հայտարարություն տալու օրը, ամիսը, տարեթիվը)

\_\_\_\_\_ թվականին, ես, \_\_\_\_\_ նոտարական տարածքի նոտար \_\_\_\_\_ ս, վավերացնում եմ \_\_\_\_\_ ի ստորագրության իսկությունը, որը կատարվել է իմ ներկայությամբ: Փաստաթուղթը ստորագրողի ինքնությունը և գործունակությունը ստուգված են:

«Նոտարիատի մասին» ԼՂՀ օրենքի 58-րդ հոդվածի համաձայն՝ հաստատում եմ ֆիզիկական անձի կողմից կատարված ստորագրության իսկությունը, այլ ոչ թե փաստաթղթում շարադրված փաստերը:

Գրանցված է գրանցամատյան թիվ \_\_\_\_\_ ով:

Գանձված է պետական տուրք \_\_\_\_\_ և ծառայության վճար \_\_\_\_\_ համաձայն՝ «Պետական տուրքի մասին» և «Նոտարիատի մասին» ԼՂՀ օրենքների:

Նոտար՝ \_\_\_\_\_ ԱՀ զինանշանի պատկերով կնիք

Հայտարարությունը պետք է ներկայացնել ստորագրությունների հավաքումն իրականացնող անձին կամ Արցախի Հանրապետության կենտրոնական ընտրական հանձնաժողով: